



Na osnovu člana 6. Pravilnika o uslovima, kriterijima i postupku odabira korisnika novčane podrške za sufinansiranje nabavke mineralnih đubriva za zasnovanu biljnu proizvodnju u 2022. godini na području Grada Tuzle („Službeni glasnik Grada Tuzla, broj: 7/22), Grad Tuzla, putem Službe za ekonomski razvoj, poduzetništvo i poljoprivredu, objavljuje:

JAVNI POZIV
za predaju zahtjeva za ostvarivanje novčane podrške za sufinansiranje nabavke mineralnih đubriva za zasnovanu biljnu proizvodnju u 2022. godini na području grada Tuzle

I PREDMET JAVNOG POZIVA:

Predmet ovog Javnog poziva je predaja zahtjeva za dodjelu novčane podrške za sufinansiranje nabavke mineralnih đubriva za zasnovanu biljnu proizvodnju u 2022. godini na području grada Tuzle.

Za dodjelu novčane podrške iz prethodnog stava raspoloživa su sredstva u ukupnom iznosu od 50.000,00 KM i odobrena su Gradu Tuzli iz Budžeta Tuzlanskog kantona za 2022. godinu.

II PRAVO UČEŠĆA:

Zahtjev za dodjelu novčane podrške za sufinansiranje nabavke mineralnih đubriva za zasnovanu biljnu proizvodnju na području grada Tuzle u 2022. godini, putem ovog Javnog poziva, mogu podnijeti poljoprivredni proizvođači (obrtnici, pravna i fizička lica), koji ispunjavaju sljedeće **opće uslove**:

- da su upisani u Registar poljoprivrednih gazdinstava i Registar klijenata za područje grada Tuzle (u daljem tekstu: RPG i RK),
- da su u tekućoj 2022. godini na području grada Tuzle zasnovali neku od sljedećih vrsta biljne proizvodnje: ratarska proizvodnja (kukuruz, pšenica, ječam, zob i soja), proizvodnja krmnog bilja (silažni kukuruz, leguminoze, DTS i dr.), proizvodnja povrća na otvorenom, proizvodnja povrća u zaštićenom prostoru i proizvodnja voća,
- da su izvršili ažuriranje podataka u RPG i RK do 30.04.2022. godine,
- da su ispunili dospjele obaveze po osnovu ugovora o zakupu državnog poljoprivrednog zemljišta, od momenta zaključenja ugovora do 31.12.2021. godine,
- da su izvršili nabavku mineralnih đubriva u 2022. godini, za vlastite potrebe biljne proizvodnje u 2022. godini.

Pored navedenih općih uslova, za ostvarivanje novčane podrške putem ovog Javnog poziva, neophodno je ispunjavanje i sljedećih **posebnih uslova**:

- da je uspostavljena i prijavljena ratarska proizvodnja, proizvodnja krmnog bilja, proizvodnja povrća na otvorenom i proizvodnja voća, na površini od najmanje 0,5 ha, pojedinačno za svaku od navedenih proizvodnji.

Novčana podrška se može odobriti za najviše 10 ha ukupno zasnovane proizvodnje, u svim navedenim vrstama proizvodnje.

- da je uspostavljena i prijavljena plastenička proizvodnja povrća, na površini od najmanje 200 m².
Novčana podrška se može odobriti za najviše 2.000 m² navedene proizvodnje.

Novčana podrška za sufinansiranje nabavke mineralnih đubriva za uspostavljenu i prijavljenu ratarsku proizvodnju (kukuruz, pšenica, ječam, zob i soja), proizvodnju krmnog bilja (silažni kukuruz, leguminoze, DTS i dr.), proizvodnju povrća na otvorenom i za proizvodnju voća, iznosi 500,00 KM/ha.

Novčana podrška za sufinansiranje nabavke mineralnih đubriva za uspostavljenu i prijavljenu plasteničku proizvodnju povrća, iznosi 1,00 KM/m².

Ukupno odobrena novčana podrška po svim vrstama vrstama proizvodnje, ne može prelaziti iznos od 5.000,00 KM po korisniku.

III POTREBNA DOKUMENTACIJA:

Zainteresirani poljoprivredni proizvođači zahtjev za ostvarivanje novčane podrške za sufinansiranje nabavke mineralnih đubriva putem ovog Javnog poziva podnose u Pisarnicu Grada Tuzle (Šalter sala).

Zahtjev se predaje na obrascu koji je propisala nadležna Gradska služba za poslove poljoprivrede. Uz zahtjev se obavezno prilaže sljedeća dokumentacija:

1. Izvod iz RPG-a i RK-a u formi liste korištenja za biljnu proizvodnju,
2. Dokaz o kupljenom mineralnom đubrivu i to:
 - **Pravna lica** kao dokaz dostavljaju poreznu fakturu sa fiskalnim računom i izvod iz banke o plaćanju porezne fakture,
 - **Fizička lica i obrti** kao dokaz dostavljaju fiskalni račun i otpremnicu na kome je upisano ime i prezime kupca, odnosno naziv obrta sa fiskalnim računom,
3. Popunjenu Izjava o zasnovanoj biljnoj proizvodnji u 2022. godini, ovjerenu kod nadležnog organa.

Izjava se podnosi na obrascu koji je propisala nadležna Gradska služba za poslove poljoprivrede, ovjerena kod nadležnog organa.

IV ODABIR KORISNIKA:

Po isteku roka za predaju zahtjeva putem javnog poziva, nadležna Služba za ekonomski razvoj, poduzetništvo i poljoprivredu, provodi administrativnu obradu zaprimljenih zahtjeva.

Nepotpuni i neblagovremeni zahtjevi zaključkom će biti odbačeni i isključeni iz postupka odobravanja novčane podrške.

Ukoliko se u toku administrativne obrade zaprimljenih zahtjeva utvrdi da podnositelj ne ispunjava neki od propisanih općih i/ili posebnih uslova, isti će rješenjem biti odbijen i isključen iz postupka odobravanja novčane podrške.

Nakon izvršene obrade zahtjeva Služba za ekonomski razvoj, poduzetništvo i poljoprivredu donosi rješenje o odobravanju novčane podrške podnositeljima koji ispunjavaju propisane opće i posebne uslove, sa iznosom odobrene novčane podrške.

V PRIJAVA NA JAVNI POZIV:

Prijave na ovaj Javni poziv, zajedno sa potrebnom dokumentacijom, predaju se u Pisarnicu Grada Tuzle (Šalter sala).

Obrazac „Zahtjev” i obrazac „Izjava”, koje je propisala nadležna Gradska služba za poslove poljoprivrede mogu se preuzeti na info pultu, u Pisarnici Grada Tuzle.

Javni poziv će biti objavljen na službenoj internet stranici Grada Tuzle i na oglasnoj ploči Grada Tuzle, **bit će otvoren 15 dana od dana objave, a zaključno sa 27.07.2022. godine.**

Sve dodatne informacije i pojašnjenja u vezi ovog Javnog poziva mogu se dobiti u Službi za ekonomski razvoj, poduzetništvo i poljoprivredu putem telefona broj: 035/307 386, svakim radnim danom od 08:00 - 16:00 sati.

**SLUŽBA ZA EKONOMSKI RAZVOJ,
PODUZETNIŠTVO I POLJOPRIVREDU**